



misaalu toogandoo bu sell ak toogandoo bu bon moo ngi mel ni ki yor gëttug Misk ak kiy upp ab furne,

Jèle na ñu ci Abuu Muusa Al-hasrii -yal na ko Yàlla dollee gérém- mu jèle ci Yonnente bi -
yal na ko Yàlla dolli xéewal ak mucc- mu wax ne: «misaalu toogandoo bu sell ak
toogandoo bu bon moo ngi mel ni ki yor gëttug Misk ak kiy upp ab furne, ki yor gëttug
Misk gi: benn mu mayla ci, walla nga jënd ci, mbaa nga am fi moom xet gu neex, kiy upp
ab furne nag moom: benn mu lakk say yére, walla nga jèle fa xet gu bon».

[Wér na] [Al-buxaariy ak Muslim dëppoo nañu ci génnee ko ci seen ñaari téere yi gën a wér]

Yonnente bi -yal na ko Yàlla dolli xéewal ak mucc- dafa joxe misaal ci ñaari xeeti nit: Bi ci
njëkk: toogandoo ak àndandoo bu sell buy tegtale Yàlla ak lu ngëremam nekk, di dimbalee ci
topp Yàlla, Moom de day mel ni jaaykatu Misk, benn mu joxla ca, walla nga jënd ca, mbaa
nga xeeñcu fa xet gu teey te neex. Ñaareel bi: toogandoo ak àndandoo bu bon; kiy teree
topp Yàlla, tey dimbalee ci ay moy, ngay gis ci moom ay jëf yu bon, ñu lay ñàññ ndax li ngay
ànd ak di toog ak ku mel ni moom. Misaalam moo ngi mel ni tëggkat biy upp sawara; benn
mu lakk say yére ci sawara wiy naaw, walla nga jèle fa ci jege gi nga ko jege ag xet gu bon.

<https://sunnah.global/hadeeth/wo/show/3127>